

本
草
彙
言

本草彙言卷之三

錢塘 倪朱謨純宇甫集選 男倪洙龍沖之氏藏稿

沈 琦 西璵甫校正

草部

屬草類上

菊花味苦甘辛氣溫微寒可升可降陰中微陽入手足太陽陽明少陽太陰少陰厥陰一十二經。

陸氏坪雅云菊本蘿蘿窮也月令九月菊有黃華華事至此而窮盡故謂之菊蘇氏白生南陽山谷及田野間宿根再發初春發苗清明前三日分種喜向陽葉莖花根種種不同即菊譜所載凡百餘種亦不能盡收也其莖有株蔓紫赤青綠之殊葉有大小厚薄尖圓之流化有大朵小朵千瓣單瓣有心無心之異色有黃白紅紫正間深淺之別味有甘苦辛酸葛腥之辨又有夏秋冬菊三時之分取用其色不拘黃白惟以單瓣味甘者入藥卽菊譜所載鄧州黃鄧州白者是矣始生山野今則人家栽植之其花細小單瓣品不甚高蓋如蜂窠又

種開小花瓣下如小珠子入藥亦佳。正月采根。三月采葉。五月采莖。九月采花。修治惟陰乾用。○菊頻繁多惟紫莖氣香葉厚至柔嫩時可食。花微大味甚甘者爲眞隨可入藥。一種莖青肥大葉似蒿艾花小味極苦。一名爲苦蒿。根服治人元氣。與甘菊花大不同也。

○甘菊花祛風清熱養肝明目之藥也。此得天地清陰之氣獨稟金精專制風木故爲去風要藥。觀夫風邪爲病先入乎肝。肝開竅于目。又風爲陽邪。勢先走上。又熱甚則生風。風火相搏爲頭風。頭痛眩暉懸旋爲目睛澁障。畏風羞明。或腫痛難開。或珠脹欲脫。或胞沿浮庠。或淚流不止。菊能清風清熱養血養肝。故頭目諸疾。所用必需者也。本草又謂解疔腫去濕癰散遊風丹毒。蓋疔腫丹毒風火之毒也。遊風濕癰濕熱之證也。菊花清陰純

潔得木體之柔順受金制木平風息疔丹癰風之疾自然消釋若氣虛胃寒食少泄瀉之病宜少用之與溫補之類同用無傷也

李時珍先生曰菊花發生于春長養于夏秀英于秋含章于冬備受四氣飽經露霜葉枯不落花槁不零味甘兼苦性稟十和昔人謂其能除風熱益肝補陰蓋不知其得金水之精英尤多能益金水二藏也補水卽所以制火益金卽所以平木木平則風息火降則熱除用治諸風頭目其旨深微黃者入金水陰分白者入金水陽分紅者行婦人血分皆可入藥神而明之存乎其人其苗可蔬葉可啜花可餌根實可藥囊之可枕釀之可飲

自本至末。罔不有功。宜乎前賢比之君子。神農列之上品也。

金靈昭先生曰。頭風者。本于風寒。入于腦髓也。蓋頭爲諸陽之會。其人素有痰火。風寒客之。則熱鬱而悶痛。雖有偏正之殊。不外痰火之證。菊花性稟秋清。火痰風鬱七劑自通。間有氣虛血虛者。耆术歸芍。一任加入。

○集方治風熱頭痛用甘菊。川芎。荆芥。黃芩。薄荷。連翹。玄參。生地。黃柴胡。羌活。甘草。各三錢爲末。每服一錢茶調下。再飲童便一鍾更妙。○治血虛風熱頭痛眩暉。用甘菊花三錢。當歸。天麥門冬。生熟地黃。川芎。防風。荆芥。天麻。藁本。白芍藥。白芷。各減半。如有痰結而作者。本

方加薑水浸半夏。膽星。白芥子。各二錢。○治目睛澁障羞明。共四味

用甘菊花。防風。木賊草。白芷。柴胡。草决明。穀精草。

○治目睛腫痛難開。暴發者。用甘菊花。玉竹。防風。白芷。荆芥。薄荷。草決明。龍膽草。赤芍藥。○治目病珠脹欲脫。

用甘菊花。

玉竹。防風。荆芥。

蟬蛻。白芷。

○治淚流不止。胞

滌作痒。用甘菊花。密蒙花。白芷。防風。荆芥。羌活。○治老

人虛人氣血兩虛。目睛昏暗不明。用甘菊花。

牛膝。枸杞

子。懷熟地。川椒。山茱萸。牡丹皮。澤瀉。○治肝腎俱虛目

痛。用甘菊花。三錢。熟地黃。黃柏。枸杞子。白蒺藜。北五味子。山茱萸肉。當歸。白芍藥。羚羊角屑。各二錢。如有翳障。

本方加草決明。木賊草。穀精草。柴胡。各一錢五分。水煎

服十劑。妙。或用十劑料作丸。每食後服三錢。白湯送亦可。

○治風熱目痛。

同前

用甘菊花二錢。川黃連。玄參。甘草。生

地黃。荆芥穗。草決明。連翹。柴胡。川芎。桔梗。蒼耳子。羌活。

各一錢。水煎服。冲童便半盞。更妙。

○治無名疔腫。

同上

用甘

菊花一握。紫花蒂丁。半枝連。益母草。金銀花。夏枯草。各

二兩。搗汁。再以貝母。連翹。天花粉。共爲細末。用諸汁調

服。如無生葉搗汁。隨用乾者。共九味。煎服亦可。

○治四肢

同上

濕痺。

痛難動履。用甘菊花。草薢。枸杞。杜仲。白朮。薑黃。

半枝連。獨活。當歸。秦艽。豨莶草。各二兩。草烏八錢。酒炒。

○治赤遊風丹毒。用甘菊花。防風。白芷。赤芍藥。蕤豆。金

銀花。半枝連。各等分。水煎服。須用磁鋒。砭去惡血爲妙。

○治終身無目疾。兼不中風及生疔瘡。用甘菊花。枸杞子。相對蜜丸。每早服五錢。白湯過。久久有効。

野菊花名苦薏。葉莖花根味苦辛。氣涼。有小毒。薏乃蓮子之心。此藥味苦似之。故名。

藏器陳氏曰。苦薏生澤畔。處處原野山陬極多。莖如馬蘭花。如菊。但葉薄而多尖。花小而甚多。如細蜂窠狀。味極苦辛。氣甚慘惡。

○野菊花破血疎肝。解疔散毒之藥也。主婦人腹內宿血。解天行火毒。丹疔。搗汁和生酒服之。或取滓敷腫亦効。煮湯洗瘡疥。又能去風殺蟲。但性寒味苦。無故而飲。有損胃氣。非若甘菊花。有益血脉。和腸胃之妙也。

○治腸風下血。用野菊花二錢黃耆白芍藥麥門冬當歸地榆各四錢。甘草人參白芷北五味黑荆芥各一錢河水二大碗煎七分。食前服。服六七劑全愈。○又方治腸風。用野菊花六兩。晒乾炒成炭。懷熟地八兩酒煮搗膏。炮薑四兩。蒼朮三兩。地榆二兩。北五味一兩。煉蜜爲丸。梧桐子大。每服五錢。食前白湯送下。

艾葉味苦氣溫無毒可升可降陰中之陽入足太陰少陰

厥陰經

李時珍先生曰艾可以久疾久而彌善故字從火。潮水令圓舉而向日以艾承其影則得火。凡醫家用此草灸百病所在處處皆有或生山原或生田野二月宿根生苗其莖直上高四五尺其葉四角狀如蒿分爲五尖極上復有小尖而青背白有茸而柔七八月葉間出穗如車前穗細花結實累累盈枝中有細子霜後始枯宋時以湯陰初道及寧波者佳自明成化以來則以蘇州者爲勝又以陳久者更良五月五日連莖刈取暴乾擣碎淨葉搗去塵屑入石臼內水杵搗熟羅去渣滓再搗如綿則灸火得力如入沸散將茯苓作片同煮卽時可作細末亦一

異也

○艾葉暖血溫經行氣藥也主婦人血氣久冷肚

腹作痛或子宮虛寒胎孕不育或寒氣內襲胎動不安或濕熱內留白帶淋瀝腰脊痠疼或男子風鬱大腸下

痢。膿血及腸風便血諸證。又燒則熱氣內行。通筋入骨。
走脈流經。故灸百病。開關竅。醒一切沉痼。伏匿內閉諸
疾。若氣血痰飲積聚爲病。哮喘逆氣。骨蒸痞結。癰瘍癰
症。瘰癧結核等疾。灸之立起沉疴。若入服食丸散湯飲
中。溫中除濕。調經脈。壯子宮。故婦人方中多加用之。揉
碎入四物湯。安胎漏腹痛。鳩汁和四生飲止嘔血。止血
衄血也。日華子又謂能利陰氣。保胎。娘須以之導引。涼
血補血藥爲宜。然性氣雖芳香烈而燥熱。凡婦人胎
動不安。由于熱而不由于寒者。淋帶由于氣虛內熱而
不由于濕熱者。肚腹疼痛。由于烟火石藥。灸。導酒膠。積
熱傷腸胃。而不由于寒冷者。嘔吐衄血。由于心肺暴熱。

妄行。不由乎陽鬱陰乘而致者。年久不孕。由乎精虛血燥。熱血少。不由乎風寒入子宮者。咸戒用之。

繆仲醇先生曰。艾葉生涼熟熱。其氣芳烈。性能開達竅戶。辟除陰屬鬼邪。純陽之草也。可以取太陽真火。可以回垂絕元。陽服之則走三陰。而逐一切寒濕冷氣。轉閉藏蕭殺之氣爲融和。灸之則透諸經。而治百種病邪。起沉伏之疾。其功大矣。老人丹田氣弱。臍腹畏冷者。入布囊裹其臍腹。及寒濕脚氣。亦須夾入襪內用之。夫用藥以治病。中病即止。于婦人內寒血冷。及病腹中疼痛。帶漏諸疾。以艾附丸。或歸艾。木艾。諸方。夫何不宜。若服久不輟。辛熱過偏。致使燥熱之毒。攻發爲病。速以荳

豆粥食之卽解。

○集方治婦人血氣寒冷四肢少熱胎孕不育用斬艾一
觔杵如綿楊去塵末并梗酒煮一週時川芎白朮當歸
身香附醋煮各四兩共爲末煉蜜丸每早服三錢○治
藏氣虛冷胎動不安用艾葉製法如前砂仁殼當歸白朮川
芎阿膠各一兩甘草五錢分作十劑服○治婦人白帶
淋瀝用艾葉六兩製法如前白朮蒼朮各三兩俱米泔浸晒
乾炒當歸身酒炒二兩砂仁一兩共爲末每早服三錢
白湯調下○治男子腸風臟毒大便下血用艾葉八兩
蒼朮四兩米泔浸炒懷熟地六兩酒蒸搗膏有五
味子二兩炒共爲丸每早服三錢白湯下○治妊娠下

血。仲景曰婦人有漏下者有半產後下血不絕者有妊娠下血者並宜膠艾湯主之。艾葉製法如前阿膠熟地當歸

各三兩川芎甘草各一兩白芍藥四兩分作十劑每劑

加阿膠俟藥熟投入烊化服○治妊娠胎動不安或腰

痛下墜或胎上搶心或下血不止或橫生倒產或子死

腹中用艾葉一兩製法如前當歸川芎益母葉各五錢水煎

少加清酒半盞服○治產後瀉血不止用乾艾葉一兩

製法如前炮薑炭一兩水煎一服立止○治產後腹痛欲死

用陳艾葉一兩製法如前水煎服再用一觔熟酒拌濕鋪臍

上以布覆住用熨斗火熨之待口中艾氣出痛自止矣。

并治中風卒病○治背發諸毒并各處生瘻或一切無

頭熱腫。用艾葉製法如前作炷。于腫痛處灸。輕者七炷九炷。

重者百十炷。不痛者灸之。痛者灸之不痛。其毒即消。

不消亦免內攻。此神方也。○治咽喉腫痛。以嫩艾搗汁。

細繚之。或再以渣和米醋敷喉上。冬月以乾艾葉煎汁

飲亦可。○治小兒臍風撮口。以艾葉一兩燒灰填臍中。

以帛縛定効。○治頭風久扁。以陳艾揉爲丸。時時嗅之。

以黃水出爲度。○中惡鬼擊。卒然着人。胸脇腹內切痛。

如刀刺不可按。或吐血或下血。或鼻中出血。以陳艾三

兩水洗淨。甘草五錢水五升。煎二升。徐徐服。○治耽蟲

攻心作痛。口吐清水。或脾胃受冷作痛。用陳艾燒存性。

爲末。白湯調服。數分。○治火眼腫痛。以陳艾一兩燒烟

起以盤覆之。候烟盡。取盤上煤。白湯調散。洗眼即瘥。○

治鵝掌

風癬方

用陳艾

四兩

水四盃

煮十餘滚

連艾并湯

入瓶內

用麻布二層

縛瓶口

將手心放瓶口

上薰之

如湯冷

再熟

如神。○治婦人

面瘡方

面瘡

名粉花瘡

以定粉五錢

菜子油

調全盤內

用艾一二團

燒烟熏之

候烟盡

覆地

方上一夜

取出調搽

永無瘢痕

亦易生肉。○治

面上肝黯

方一

用艾灰

桑灰各半升

以水五碗

淋汁

再淋至三遍

煎令

稠糊

每以簪脚點少許

傅之

自爛脫落

甚妙。○治

癰疽直

方久瘡口

冷帶不合

用陳艾

煎湯

頻洗

自愈。○治諸蛇

蟲咬傷方

用艾灸數壯

自解。○治

風蟲牙痛方

用黃蠅少許

攤紙上

鋪艾以筋捲成筒

燒烟

隨左右熏鼻

令烟滿口

呵氣卽疼止腫消○治遍身風麻。風麻是氣虛宜灸用
斬艾、黃耆、白朮、陳皮半夏、天麻、人參各二兩、茯苓、熟地
黃當歸各四兩、枸杞子六兩俱炒燥浸酒飲○治遍身
風木。風木是濕痰死血宜鍼用斬艾、白朮、當歸、川芎半
夏天麻、紅花、桃仁、蘇木、蒼朮各二兩、白芥子、殭蠶、牡丹
皮各一兩俱炒燥草烏三錢炒焦黃浸酒飲○治遍身
麻痺不能屈伸謂之不仁是氣血兩虛受風濕也用斬
艾、人參、黃耆、白朮、防風、蒼朮、當歸、熟地黃、枸杞子、川芎、
秦艽各二兩俱炒燥土鱉蟲二十個浸酒飲

茵陳蒿味苦辛氣寒無毒陰中微陽入足太陽陽明太陰經。

陶隱居曰茵陳生太山及丘陵坡岸上今在處皆有不及太山者作冬初莖枯至初春又生故名茵陳苗高七八十似蓬蒿而葉緊細九月作花結實與菴蒿花實相似亦有無花無實者修治以五七月葉有八角者采莖葉陰乾去根用○又江寧府一種茵陳葉大根粗至夏作花色黃白結實如艾子又和州及南山峻嶺石中出一種石茵陳今江南山石中亦有療傷寒脹痛絕勝今諸醫議論謂家茵陳亦能解肌下隔去胸中熱煩再詳本草正經但以功較之則亦稱江南者爲勝療黃疸利小便更最也李時珍先生曰茵陳昔人多蔣為蔬故入藥用家茵陳所以別山茵陳也今淮揚亦有野茵陳其莖如艾葉葉如青蒿淡色而背白葉梗緊細而短九月開細花色黃綠實亦如艾子

○茵陳清黃疸利小便爲黃家君主之藥也治風濕寒熱邪氣煎結黃疸小便不利關節不通又傷寒熱甚發黃

者。每多用之。他如伏瘕水脹及太陰裏邪。瘴癰寒熱等疾。統屬濕熱者。無不相宜。但苦寒沉降。能清熱利濕。濕熱去。則諸證自退矣。中病即已。若過用。不免有伐脾損氣之弊。

邵繩山先生曰。按黃疸之病。多起于飲食勞倦。致傷脾土。脾土不能運化。濕熱內鬱。無由發泄。流于皮肉。遍于四肢。黃色如鴉。淡黃易愈。深黃難愈。焦黃者死。凡抑鬱不得志之人。多生此病。雖云濕熱。不可純用寒涼。必佐之以辛甘溫散。君之以滲泄。則濕易除。熱易解。其病自愈。若純用涼藥。重傷脾土。濕熱反甚。變爲水腫腹脹者。多有之矣。

沈則施先生曰茵陳芬芳疎利味苦善行邪在內者出
結者散故去濕熱退黃疸也然疸證雖有五種之分同
爲濕熱所成仲景方有茵陳梔子大黃湯治濕熱也茵
陳梔子柏皮湯治燥熱也如苗澇則濕黃苗旱則燥黃
濕則瀉之燥則潤之之意也又有陰寒發黃用茵陳附
子湯蓄血發黃用茵陳桃仁湯隨證和入可也

○集方同防風羌活治疸黃兼風同耆术厚朴澤瀉治疸
黃兼濕同生薑白豆仁治疸黃兼寒同川黃連龍膽草
滑石治疸黃兼熱又同陳皮菊花乾薑治傷酒發黃同
檳榔枳實山楂麥芽治小兒食積發黃隨證加用可也

○治遍身

方風癩瘡疥

用茵陳煮湯洗之

○治遍身黃疸

用茵陳一把。生薑五錢。搗爛水煎服。以渣于胸背四肢日日擦之。○治壯人酒痘。用茵陳四兩。山梔子七箇。大田螺一箇。連殼俱搗爛。取汁以百沸白酒一大盞。沖汁

飲之。○治眼熱赤腫。用茵陳。蒼草。車前子各等分。水煎內

服外洗。○治穀粟疽。用茵陳。蒼术。白朮。澤瀉。車前。神麃。紅

麪。麥門冬。各等分。水煎服。○治酒色過度成女勞疽者。

用茵陳。石斛。木瓜。牛膝。黃檗。熟地黃。又五苓散加茵

陳。車前總治諸痘。○治濕熱發黃疽。用茵陳。橘子。赤茯

苓。蒼朮。生薑。各等分。水煎服。○治癰癧。用滑石一錢。滑石一錢。乾薑一錢。五分燈

心三十。發熱加柴胡一錢。二分。有宿食加大黃一錢。

枳實丸

便閉結。加大黃一錢。

青蒿味苦氣寒無毒乃少陽厥陰血分藥也

李時珍先生曰青蒿生華陰川灘所在有之得春最早
望春便發莖如指肥葉纏織細色黃青翠似茵陳蒿而
背不白至夏漸高五六尺許秋深開細淡黃花花下結
子如粟米莖柔韌根白硬苗葉花實並芬芳功力亦相
若也嫩時醋淹爲菹香涼可口沈氏筆譚云青蒿一類
自有二種一黃色一青色青者入藥卽農經所指青蒿
亦有所別陝西銀綬間見青蒿叢中時有一兩窠迥然
特青如松檜翠碧可觀至秋諸蒿轉黃此蒿翠碧更倍
古人取深青者爲勝此獨得蒿力之專精者也不然諸
蒿何皆不青但青而色淡耳雷公云凡使惟中爲妙到
處卽仰到腰卽倪使子勿使莖使根勿使莖四件若同
使絳然成痼疾修事其葉或莖實用七歲兒七箇湯浸
七箇便取

出甄乾用

○青蒿清熱涼血退骨蒸勞熱之藥也此藥得初春少陽
之氣以生去肝膽腎經伏熱故明日消疥退骨節間內
蒸留熱去則血分和平陰氣日長故勞熱骨蒸專主

之也。大抵諸苦寒藥多與胃氣不宜。惟青蒿芬芳清潔氣先襲脾。故獨宜于血虛有熱之人。以其不損胃氣。故爾。是以蓐勞虛熱。非此不除。又陳氏方治傳屍鬼疰。瘧痢寒熱。齒癟皆本少陽木鬱火鬱之病。以此芳潔苦寒之藥用相宜耳。若專于真陰內損。營氣衰竭成勞者。當與大滋養藥同劑。方善。倘勞熱之人。有胃虛不食。泄瀉者。產後氣虛內寒作瀉者。咸宜戒之。

陳廷采先生曰。諺云。三月茵陳四月蒿。人每誦之。疑是兩藥一種。因分老嫩而異名也。殊不知葉雖近似。種却不同。青蒿葉背面俱青。且結花實。茵陳葉面青。背白。花實全無。况遇寒冬。尤大差異。茵陳莖條不凋。至春舊幹

上復發葉。因幹陳老。故名茵陳。青蒿莖幹俱凋。至春再從根下發苗。如草重生。發舊幹者。三月可採。產新苗者。四月纔成。是指採從先後爲云。非以苗分老嫩爲說也。綱目發明云。青蒿得春木少陽之氣最早。故所主之證皆少陽厥陰血分之病也。故治骨蒸熱勞爲最。古方每

單用之。

方處正宗

○集方。治一切虛勞寒熱。陰虛五心煩熱。腎水真陰不足。以致骨蒸勞熱者。并除產後一切虛熱寒熱。淹延不解。用青蒿葉鼈甲。生熟地黃。牛膝。枸杞。麥門冬。北五味子。各等分。水煎服。○治時眼赤腫。用青蒿葉。防風。連翹。甘草。荆芥。各等分。水煎服。○治瘡疥癩痒皮膚。一切風疹。

外用

甘草。荆芥。各等分。水煎服。

用青蒿爲末。每服三錢。白湯調服。再取葉煮湯頻洗。○治男婦勞熱肌瘦。用青蒿葉細切一觔。水三十碗。重便五十碗同煎。取十碗去渣。入砂鍋內煎成膏。每早服五茶匙。白湯調送。○治虛勞寒熱肢體倦怠煩疼。不拘男婦。用青蒿成實時採之。取葉以童便浸三日。曝乾爲末。每服三錢。烏梅一箇。煎湯服。○治虛勞盜汗。煩熱口乾。用青蒿二觔。取汁入沙參麥門冬各四兩。同煎將稠濾去沙參。麥門冬。將汁熬稠糊收貯磁器內。每早晚各服數茶匙。白湯調送。○治溫瘡炎盛。但熱不寒。用青蒿、凹兩童便浸焙爲末。每服三錢。白湯調下。○治暑疖熱痛。用青蒿葉一兩。甘草一錢。水煎服。○治齒牙腫痛。用青

湯泡漱。○治鼻衄用青蒿搗汁飲之。將渣塞鼻。

中板驗。○治酒痔水飴方便血用青蒿葉爲末。每服三錢。糞前

血白湯調糞後血。白酒調服。俱食前。○治毒蜂螯人。嚼

青蒿葉敷上卽瘥。○治金瘡撲損出血用青蒿搗敷之。

一方用青蒿葉陳石灰共搗千下。晒乾爲末。臨撲損出

血者。傳之卽止。○治鼻中息肉。用青蒿灰石灰各等分。

淋汁熬膏點之。卽落。

青蒿子味甘氣寒無毒。陰乾研成細末。空心每服二錢。白湯調服。治積熱眼澁。久服明目。可夜看書。并治虛勞瘦

弱。

黃花蒿俗名臭蒿。與青蒿相似。色綠帶淡黃。氣腥臭。不可

食人家采以罨搘黃酒麴者是也。味辛苦氣寒無毒。煮汁治小兒風寒驚熱有驗。其子味性與黃蒿同但下氣消痰脹更殊捷爾。

白蒿味辛氣平無毒。生中山川澤先諸草發生葉似細艾粗于青蒿上有白毛錯瀝從初生到秋白子衆蒿主風寒濕氣成癰成脹成痘成瘡成膈噓成癩瘡諸疾并解河豚魚毒。神農列白蒿于上品有功無損而古今醫家不知用惜哉。

周氏曰白蒿香美可食今人以白蒿悞指爲茵陳但苗葉相似實非也。○李氏言白蒿有水陸二種本草所用蓋取水生者故曰生中山川澤不曰山谷平地也二種

形狀相似。但陸生辛薰不及水生者香美。詩云呦呦鹿鳴食野之苹。食野之蒿。卽蒿之初生火。青色白莖鮮嫩時也。蒿卽萃之長大。至秋老成衰萎時也。鹿食九種解毒之草。白蒿其一也。詩云于以采蘋子。沃于沚。左傳云。蘋蘩蕰藻之菜。可以薦于鬼神。君子王公益指水生白蒿而言。則爾雅之皤蒿爲白蒿無疑矣。

劉氏禹錫曰。白蒿卽蓬蒿可以爲蔬。生按醋淹爲菹。食之益人。曝乾釀酒。治癰癧脚氣及惡瘡癩疾。遍體頭面俱生者爲末。白湯調服一二錢。治濕熱脹滿。搗汁可退黃疸。并熱厥心痛。赤白痢疾。熬膏蜜收可治膈喫。蒿類繁多。難以盡收。除青蒿、黃蒿、白蒿外。又有角蒿、廩

葛馬矢葛。牡蒿。邪蒿。諸種類本書所選只取青黃白三
蒿。其餘無所要用。姑刪去之。

○續補集方。治中暑。用青蒿嫩葉搗爛。手撚成丸。黃豆大。
新汲水吞下。數丸立愈。

益母。古名味苦甘。微辛。氣溫。無毒。陰中之陽。手足厥陰經。

藥也。爲婦人產後血分之要劑。當以童便酒煎。

李時珍先生曰：古方用實，今用葉。蓋茺蔚專綽在實，取充盛密蔭之義。其功宜于婦人胎產眼目，故有益母之稱。生江海湖濱地澤及園圃田野近水濕處甚繁。春初生苗如嫩蒿，入夏漸長至三四尺。莖方有四棱，如黃麻莖葉有尖岐，如艾葉。莖有節寸許，節節生穗，叢簇抱莖。四五月間穗內開小花，紅紫色，亦有白色者。莖葉內有細子四粒，似蕓子黑褐色。有三稜葉肆（往往作巨勝）子，貨之其草生時有臭氣。夏至後，莖葉皆枯，其根白色。雖有白花紅紫花二種，莖葉子穗皆同，但白者入氣分，紫紅者入血分，別而用之可也。入藥取葉以酒拌蒸晒乾，用取子微炒黃。

春嫩去蕊取仁用

○益母草。行血養血。行血而不傷新血。養血而不滯瘀血。誠爲血家之聖藥也。婦人臨產之時，氣有不順而迫血妄行，或逆于上，或崩于下，或橫生不順，或子死腹中，或

方言

本草

胞衣不落。或惡露攻心。血脹血暈。或瀝漿難生。蹊澁不下。或嘔逆惡心。煩亂眩暈。是皆臨產危急之證。惟益母草。統能治之。又瘡腫科以之消諸毒。解疔腫癰疽。以功能行血而解毒也。眼目科以之治血貫瞳人。及頭風眼痛。以功能行血而去風也。習俗以益母草有益于婦人。專一血分。故屢用之。然性善行走。能行血通經。消瘀逐滯。甚捷。觀其治疗腫癰疽。眼病血障。則行血活血可知矣。產後諸疾。因血滯氣脈不和者。用之相宜。若執益母之名。施于胎前之證。血虛形怯。營陰不足者。肝虛血少。瞳人散大者。血脫血崩。陽竭陰走者。槩而與之。未嘗不取咎也。

陳廷采先生曰。益母草活血行氣。有補陰之功。凡胎前產後。有所恃者血氣也。胎前無滯。產後無虛。用此以其行中有補。補中有行。故有益母之稱。子名茺蔚。益肝膽。有明目之功。潤腎髓。有益精之力。利水實脾。調經順脈。功兼該矣。

紅媳婦家寶方云。益母草苗葉莖根花子。取全體總用。酒浸蒸晒乾。搗極爛。再研爲末。煉蜜丸如彈子大。治胎前安生胎。去死胎。治產後行瘀血。生新血。又明目。精散水蓄。消丹疹。拔乳癰。止尿血。利小便。功全備矣。

繆仲淳先生曰。茺蔚草。味陰而氣陽。輕潔之品。補而能行。辛散而兼潤者也。于婦人氣分血分諸病。頗宜。

○集方濟陰返魂丹治婦人胎前產後危急諸證。用益母草紅紫花者端午小暑或六月六日或七月七日連根收采陰乾以石器內碾爲細末。煉蜜丸如彈子大隨證嚼服用白湯送其根燒存性爲末酒服功與黑神散等其藥不限丸數以病愈爲度。或丸如梧桐子大每服百餘丸又可搗汁濾淨熬膏服之。○治胎前臍腹痛或作聲者米飲下。○治胎前產後臍腹刺痛胎動不安下血不止當歸湯下。○治產後以童子小便化下一丸能安魂定魄血氣自然調順諸病不生又能破血痛養脉息調經絡並溫酒下。○治死胎不下及橫生不順胞衣不出或經閉脹滿心悶心痛並用炒鹽湯下。○治產後血

暈眼黑，血熱口渴煩悶，如見鬼神，在言不省人事，以童子小便和酒化下。○治產後結成血塊，臍腹疼痛，時發寒熱，有冷汗，或面垢顏赤，五心煩熱，並用童便酒下。○治產後惡露不盡，結滯刺痛，上衝心胸，精神悶，童便酒下。○治產後瀉血水，以棗湯下。○治產後癟疾，米湯下。○治產後血崩漏下，糯米湯下。○治產後赤白帶下，阿膠艾湯下。○治月水不調，溫酒下。○治產後中風，牙關緊急，半身不遂，失音不語，生薑湯下。○治產後氣喘咳嗽，胸膈不利，恶心，吐酸水，面目浮腫，兩脇疼痛，舉動失力，溫酒下。○治產後月內咳嗽，自汗，發熱久，則變爲骨蒸，童便下。○治產後鼻衄，舌黑，口乾，童便下。○治產後兩

太陽穴痛呵欠心忪氣短羸瘦不思飲食血風身熱手足頑麻骨節疼痛並米飲下○治產後大小便不通煩躁口苦者薄荷湯下○治婦人久無子息溫酒下

治產婦一切諸病及折傷內損有瘀血每天陰則痛神方也三月采益母草連根莖莖花水洗令淨于箔上攤暴水乾以竹刀切長五十勿用鐵刀置于大鍋中以水浸過二三寸煎煮候草爛水減三之二漉去草取汁約五六斗入盆中澄半日以綿濾去濁渣以清汁入釜中慢火煎取一斗如稀餳狀瓷器封收每取數大匙暖酒和服日再服或和羹粥亦可服至七日則疼漸平復也產婦惡露不盡及血塊一二服便癒其藥無忌又能治

風益心力

寒近

寒近

治血熱經行先期及胎漏下血用益母草生地黃白芍藥麥門冬枇杷葉青蒿子五味子阿膠○治胎不安腹痛用益母草杜仲阿膠川續斷當歸身川芎熟地白芍藥各等分爲丸服○治臨產血崩不止用益母草當歸身懷熟地各五錢炮薑炭人參各一兩○治婦人經前經後感冒頭痛發熱譫語妄見煩躁類傷寒此熱入血室證用益母草柴胡半夏當歸丹皮黃芩○治胎死腹中或胞衣不下用益母草搗熟以熟水少許和絞取汁頓服之○治產後血閉血暈心氣欲絕用益母草搗汁和熟水少許灌服立甦○治產後血暈瘀血薄心惡露

不行腹痛少腹兒枕痛兼催生及胞衣不下。并氣閉經阻經行作痛用參琥珀乳香沒藥血竭沉香丹砂五靈脂各等分爲末用益母草取汁拌臙乾三拌三臙爲度加煉蜜搗成丸如彈子大用白湯化服。○治一切癰疽并婦人乳癰急慢疔瘡及小兒頭瘡浸淫黃爛及陰疽陰蝕以益母草煎汁患處淋洗再以新鮮者絞汁頻頻飲之解毒消散。○又方治疗瘡用益母草四月連花采之燒存性先以小尖刀十字劃開疔根令血出次遶根開破捻出血拭乾以稻草心蘸藥捻入瘡口令到底良久當有紫血出捻令血淨再撚藥入見紅血乃止。日夜撚藥三五度重者二日根爛出輕者一日出有瘡

根脹起。卽是根出。以針挑之。出後再敷生肌散。易愈。忌
風寒房室酒肉。一切毒物。○治一切疔腫發背及無名
腫毒。益母草。蒼耳草。夏枯草。金銀花。紫花地丁。各一握。
鼠粘子。白芷。僵蠶。白芨。白欽。甘草。連翹。生地。各五錢。水
十碗煎去十分之七。取汁飲之。○治勒乳成癰。用益母
草爲末。水調全乳上。一宿自瘻。搗汁飲亦得。○治血風
眼障。血污瞳人。用益母草。木城草。蒼耳子。草決明。當歸
尾。荆芥穗。水煎服。○治血風攻頭。頭痛。頭風。并眼痛。用
益母草。防風。羌活。天麻。蒼耳子。薄荷。連翹。各等分。水煎
服。○治小兒疳瘍垂死者。用益母草。嫩葉。同白米煮熟。
食之甚佳。絞汁亦可。

夏枯草。味苦辛。氣寒。無毒。陰中之陽。可升。可降。乃足厥陰少陽經血分藥。

別錄曰。夏枯草。生蜀郡川谷。今所在皆有。原野平澤間甚多。冬至後生苗。漸高至一二尺許。莖微方葉對節生。似旋覆葉而長大。邊有細齒。而背自三四月莖端作穗長一二十穗。中開淡紫碎花似丹參花。繡子亦作穗。一穗德四子。五月便枯。宜四月收採用。丹溪翁言。無子亦欠察矣。其嫩苗淪過浸去苦味。泔鹽拌之可食。寇氏曰。茺蔚有臭味。自秋便生。經冬不悴。春開白花。夏結子。夏枯草無臭味。春末開淡紫花。夏結子。兩物俱生于春。俱枯于夏。但夏枯草更早枯一月矣。

○夏枯草。涼血清肝。疎鬱散結之藥也。此藥得金水之體。少陽之氣。善治肝鬱血燥爲病。故前人主寒熱瘰癧鼠瘻癰核。目疼瘡痏諸疾。及脚腫濕痺等證。但性味寒而苦辛。寒能除熱。苦能下泄。辛能散滯。專入肝膽二經。攻

熱逐濕則前證自除矣。除肝膽血鬱氣滯之病，成瘰癧、濕痺等證之外，並無別用。久服亦損胃家，謂苦寒降散多也。

沈則施先生曰：夏枯草大治瘰癧，散結氣有調養厥陰血脉之功，及觀其退寒熱虛者以滋補藥和之，實者以行散之藥佐之，外以艾灸亦漸取効，此平易簡要之言也。○一男子病目羞明，至夜目珠大痛，連眉稜骨及頭半邊，痛且腫，灸厥陰少陽二穴，痛隨止。半日痛又作，以夏枯草四兩，香附一兩，甘草五錢，共爲末，每用二錢，茶清調服，下咽則痛減半，至四五服全愈也。

繆仲淳先生曰：瘰癧鼠瘻，由肝鬱筋結之所生，寒熱虛

氣之所成。留于脉中。着于肌肉。其本在藏。其末出于頸腋之間。久則內潰膿血。多成勞瘵。面黃少食。肌消骨立。不可爲矣。諸方用夏枯草。配四物湯。宜早服。多服。屢獲效。

原正宗

脉

○集方治肝火血鬱成勞。用夏枯草入逍遙散良。○治療瘻馬刀。氏不論已潰未潰。或日久成漏。用夏枯草六兩。切細酒浸蒸晒五次。爲末。配十全大補湯料。再加香附。貝母。遠志。尤善。○治肝虛目睛痛。或冷淚不止。或血脉纏睛。或羞明怕日。用夏枯草半兩。切細酒浸。蒸晒三次。配甘菊花草。決明各二兩。蜜蒙花三兩。枸杞子五兩。共爲末。煉蜜丸。早晚各食前服三錢。○治腳氣頻發。腫痛難

履以夏枯草酒浸全宿。晒乾炒。木瓜醋拌炒。各等分。爲末。每早食前服三錢。白湯引。

○治乳癰初起。用夏枯草。

蒲公英各等分。酒煎服。或作丸用亦可。○治一切癰疽腫毒。用夏枯草一觔。甘菊花。紫花地丁。忍冬藤。連翹。白芨。甘草。生地。白芷。各二兩。半枝蓮六兩。水大鍋煎汁。次總和熬膏。每服大匙五匙。白湯引。止痛消毒如神。

劉寄奴草。味苦氣溫無毒。

蔡氏曰劉寄奴草出河中孟州漢中滁州江南越州山側高崖道傍所在皆有春煖卽生苗高三三尺一莖直上葉似蕎麥葉火長糙澁面青背白九月莖端岐分數枝每枝攢簇小花十數朵蓋黃瓣白蕊如秋菊經數日花心折裂白絮如苦買花之絮隨結子細長亦如苦買之子修治陳去莖葉只用子粗布拭去薄殼酒拌蒸用李氏曰莖葉花子性類相同皆可用又按南史云宋高祖劉氏二字寄奴在軍中療金瘡最驗軍人遂以此呼之故名

○劉寄奴消血脹止血痛活血破血之藥也其性溫散善走流行血脉故別錄主樸損折傷血凝脹痛金瘡血出不止婦人血癥血結及產後血證餘疾用此可下血止痛正以其行血迅速故也但行散之性專入血分如病人氣血兩虛與脾胃薄弱易作泄者勿用

沈則施先生曰此藥古方罕用。元本草始附陽草部。其葉樣之有香氣乃破血之仙藥爲末。酒和服數錢。治跌撲打傷極效不可過多。令人吐利。

○集方治血氣脹滿或杖打或蹊蹠或從高下墮血污心

胸遍身上下內外作痛者用劉寄奴爲末。每服三錢酒

調服。○治金瘡出血不止用劉寄奴爲末。內服外敷效。

○治折傷瘀血在腹內者用劉寄奴骨碎補延胡索各

一兩水二升煎七合。和好酒及童便各一合溫服。○治

婦人血癥血結用劉寄奴爲末。每食前一錢酒調服漸

漸化解并治產後一切腐敗留血爲病。○治湯火灼傷

先用食鹽末。撒之護肉不壞。後以劉寄奴爲末。雞子清

調塗不痛不爛亦無痕大妙○治大小便血用劉寄奴爲末茶調空心服二錢即止○治風入瘡口腫痛用劉寄奴爲末摻之即止。

○治筋骨疼痛甚如夾板狀痛不可忍用劉寄奴草五錢煎湯將驥子修下蹄爪燒灰存性研末劉寄奴湯調服三錢服後飲熱酒半鍾不過三五服愈。

○神仙化痞膏專貼一切積聚痞塊如神用劉寄奴草四兩晒乾當歸川芎白芷黃柏建黃連蘇木川烏各二兩肉桂丁香巴豆肉草烏各一兩大黃蜈蚣穿山甲各三兩白花蛇一條桃枝柳枝各三十寸右剉細以香油二筋浸五七日桑柴慢火熬黑色去渣放冷瀝淨澄清取

筋半再入鍋內。桑柴火熬至油滾。陸續下飛過黃丹
炒燥三兩。蜜陀僧研細末一兩。仍慢火熬至沸止。再下
黃蠟八兩。熬至滴水成珠。方離火。待微冷下後。細藥孔。
香沒藥各一兩。硇砂一錢五分。麝香輕粉各二錢。血竭
五錢。阿魏五錢。右七味共爲末。陸續入膏內。不住手攪
勻。以冷爲度。用桑皮油紙攤膏。貼患處。時時以炭火烤
熱。手磨熨之。

旋覆花味苦，微鹹氣溫無毒。一云有小毒可升可降乃手太陰肺手陽明大腸藥。

方氏曰：旋覆花圓而覆下，故名。生平澤川谷及近道濕地，所在皆有。二月生苗，長一二尺，莖柔細似紅蘭而無刺，葉如大菊，及小蘇蒿艾之類。六月開深黃色花，亦如菊，香亦如菊，故別名夏菊。根細而白，極易繁衍。生水澤邊者花小瓣單，人家栽植者花大蕊簇，蓋上地肥瘠使然。修治去蕪蕗及老皮用。

○旋覆花消痰逐水利氣下行之藥也。主心肺結氣，脇下虛滿，胸中結痰，痞堅噫氣，或心脾伏飲，膀胱留飲宿水等證。大抵此劑味鹹以軟，堅散痞硬性利。以下氣行痰水，實消伐之藥也。本草有定驚悸補中之說，竊思痰閉心胞，脾絡之間，往往令人病驚悸，補中之說，竊思痰閉則胞絡清淨而無碍，五志自寧，驚悸安矣。又飲消則脾

健脾健則能運行飲食中氣自受其益而補養矣。然行痰水下結氣是其專功。病人涉虛者不宜多服。冷利大腸虛寒人禁用。

女醫童玉峯先生曰。若熱痰則多煩熱。濕痰則多倦怠軟弱。風痰則多癱瘓。奇證驚痰則多心痛癲疾。冷痰則多骨痺痰疾。飲痰則多脹痛。臂痛食積痰則多癖塊痞滿。其爲病狀種種變見。用旋覆花。虛實寒熱隨證加入無不應手獲效。

李時珍先生曰。仲景治傷寒汗下後。心下痞堅。噫氣不降。用旋覆代赭湯。胡治居土。治痰飲兩脅脹滿。用旋覆花丸皆破堅也。

○集方治諸濕腫。痰脹水脹。以五苓散加旋覆花。取氣實者。加葶苈子一二錢。○治風濕痰飲上攻頭目。眩脹眵曇。用旋覆花。天麻。甘菊花。各等分爲末。每晚服二錢。白湯下。○治中風後痰涎壅滯。結如膠漆。用旋覆花洗淨。焙研爲末。煉蜜丸梧子大。每臥時以茶湯下三十九。○治小便不行。因痰飲留閉者。用旋覆花一握。搗汁。和生白酒服下。立通。

紅藍花味辛苦甘氣寒平無毒陰中之陽爲手少陰足厥陰經血分藥也

蘇氏曰紅花色紅葉似薑故有紅藍花之名李時珍曰生西域及梁漢間人家塲圃所種二月八月十二月皆可下種而後布子于熟地春生苗脆嫩可食二月作芽形如小薑五月開花色深紅如大薑花下作蓮生多刺花出地上閼人乘露采之采已復出至盡而罷速中結實白顆如小豆搗煎其汁入醋拌蔬極鮮蒸熟搗油亦可爲燭其花曝乾搗熟以水淘布袋綬去黃汁又搗入絛法黃汁盡可染紺紅上供御服入藥用花未經搗絛吸汗

者孫薛用

○紅花破血行血和血調血之藥也

主胎產百病因血爲病

患或血煩血暈神昏不語或惡露搶心臍腹絞痛或瀝漿難生蹊膈不下或胞衣不落子死腹中是皆臨產諸證非紅花不能治若產後血暈口噤指搦或邪入血室

譖語發狂。或血悶內脹。僵仆如死。是皆產後諸證。非紅花不能定。又如經閉不通。而寒熱交作。或過期腹痛。而腫紫黑。淋漓。或跌撲損傷。而氣血瘀積。或瘡癆痛痒。而腫潰不安。是皆氣血不和之證。非紅花不能調。蓋血之爲物。生化于脾。總統于心。藏納于肝。宣布于肺。施泄于腎。分屬任衝。灌溉一身。紅花汁與之同類。故能活男子血脉。行女人經水。又少用則養血。多用必行血也。但性本行血。如血暈已定。留滯既行。卽止後服。過用能使血行不止。毋忽也。

劉默齋先生云。新昌一婦。病產暈已死。但胸膈微熱。有醫陸氏曰。此血悶也。速購紅花數十觔。乃可活。以大鍋

煮湯盛三桶于牕格之下。昇婦寢其上薰之。湯冷再加。有頃指動半日乃甦。按此方亦得唐許胤宗以黃耆湯薰柳太后風病之法也。

潘鄧林先生曰。紅花行血活血。入產科人所共知之也。而傷寒家有發熱表汗不出者。營虛血燥。不能行汗也。

用紅花一

二錢

入解表藥中

行血助汗最妙。人所未知。

○集玄治血

女升

煩

血暉神

皆共九

不語

用紅花一兩當歸五錢川

芎三錢水五碗

煎二碗

徐徐服

○治產後惡露捨心

脾

腹絞痛或經阻不行少腹作痛

并成結塊

亦良用紅花

玄胡索當歸牛膝川芎益母草五靈脂木香或丸或煎

皆可○治臨產瀝漿難生或胞衣不落或子死腹中用

紅花二兩。當歸川芎各三錢水煎服。如行死胎。本方加芒硝五錢卽下。○治熱病胎死腹中。用紅花三兩煎汁。

和童便乘熱飲之。立効。或胞衣不下。產後血暈並用此

法極驗。○治產後血暈。口噤指搦。如風狀。用紅花二兩。

黑荆芥一兩。當歸身八錢。川芎三錢。水煎服。和童便亦

妙。○治傷寒初起。經水適來。或適斷。因而病寒。熟諳語

如見鬼狀。名曰熱入血室。用紅花。牡丹皮。加入四物湯

中。飲之効。○治血悶閉內脹。僵仆如死。用紅花二兩。草

烏五錢。酒炒黃。當歸。川芎。五靈脂各一兩。水煎溫和徐

徐灌之。○治經水閉結不行。寒熱晡熱。用紅花一兩。柴

胡黃芩。丹皮。青附子。當歸。各三錢。川芎一錢。如咳嗽

加麥門冬。天花粉。知母。各一錢五分。水煎服。○治經水過期。方來腹中痛。血色紫黑。淋漓不斷。用紅花。牡丹皮。玄胡索。五靈脂。生地。白芍。當歸。川芎。香附。內熱。加黃連。知母。○治六十二種風證。用紅花一味。三錢。水煎。日服一盞。一月見効。

紅花子。治天行痘瘡。血熱不能起發。用數十粒研爛。和生犀角。真紫草。生地黃。同煎服。

大薊味甘微苦氣寒無毒。

陳氏曰。薊門猶多以薊得名。當以北方薊州者爲勝。大
薊生山谷。似虎薊也。三月生苗。高二三尺。葉皺多軟刺。
中心出花。其花如鬚。色赤微紫。若紅藍花。

○大薊涼血止血之藥也。本草主吐血。衄血。凡血熱妄行。
溢出上竅。用此立止。因其性涼故也。但涼而利。止血而
又能行瘀。故外科方以此消癰腫可知矣。前人謂爲安
胎。令人肥健。蓋不知何所取義云。

○集方治吐血方。治崩中下血。用大薊一握。搗絞取汁。服
半升。立止。○治腸癰。用腹癰方。內疽諸證。用大薊根葉。地
榆半斤。金銀花俱生搗絞汁。和熟酒服良。如無生鮮者。
以乾葉煎飲亦可。○治崩中下血。用大薊根葉。搗汁半

升和炒蒲黃棕皮灰各五錢調汁服○治跌撲損傷瘀血作痛用大薊汁和熱酒飲

小薊味甘微苦氣寒無毒

蘇氏曰。小薊生平澤處處有之。即貓刺也。又名青刺。二月生苗僅一二寸。併根作蔬食其美。四月卽高咫尺。餘而多刺。中心出花如鬚。亦如紅葵花色青紫。與大薊根苗相似。但不若大薊之肥大耳。寇氏曰。大小薊形狀相似。但大薊高三四尺。葉細小。薊僅高一尺。葉不繖。以此爲異。作菜雖有微苦。不害人咽喉。二薊取用。三月采苗。

九月采根。俱晒乾用。

○小薊涼血止血保新血去陳血之藥也。故陳氏方主暴下血嘔血衄血崩血金瘡出血不止等證。又治崩漏煩悶虛損內熱及胃閉不食等疾。諸因血熱爲害者。紋汗溫服主瘥。按大小薊性寒下行以其能下氣。故主崩漏。

卽熱血多效。惟不利半氣虛。血虛及脾胃。虛泄瀉。飲食不思之證。

沈則施先生曰。按二薊治血止血之外。無他長。不能益人。如前人云養精保血。補虛開胃之說。不可依從。

○集方治心熱吐血口乾。用小薊葉并根搗汁。每溫服二

小盞。

○治卒瀉鮮血不止。用小薊根葉搗汁。以酒半和

溫服。如無鮮者。以乾葉爲末。入參湯調服二三錢。○治

小便熱

淋下血。用小薊根葉搗汁。和生白酒。服一二盞。

○治乳石發毒。壅熱心悶吐血。以生小薊根葉搗汁。分

服三合。入煉蜜三五匙。攪勻服之。○治九竅出血。以小

薊根葉搗絞汁一二盞。以酒半和溫服。如無鮮汁。搗乾

者爲朱白湯調服三錢。○治金瘡出血不止。取小薊苗葉根爛敷上即止。

續補方治下疳用新鮮小薊新鮮地骨皮各五兩煎濃汁浸之不三四日即愈。治氣實火盛之人吐血衄血咳嗽咯血唾血並皆治之。用大薊或小薊並取苗葉一把。生地黃一兩。黃芩三錢。甘草。牡丹皮。犀角屑各一錢。燈心一團。水二碗煎一椀服。

續斷味苦甘辛，微溫無毒。可升可降，入足厥陰少陰經理。

腰腎之要藥。

蘇氏曰：續斷生陝西河中，歸越晉，絳諸州江南諸郡皆有之。三月生苗，幹有四稜，葉似茅，根黃白，葉對生，四月開花，紅白色，似益母花。根如大薑，赤黃色，出地中者味兼甘，更佳。色赤而瘦折之有烟塵起者無者為南續斷，非川產也。功少不及草薢。錄云：喜延蔓，莖細，莖如蘿蔴，根黃白，有毛。今用莖葉，節節斷皮，黃紙如雞卵者八月采根，橫切剗之，去向裏，挾筋酒洗，晒乾，用又一法：草薢根，以續斷燒服，令人病大須濟之。

○續斷補續血脈之藥也。總療婦人胎前產後一切諸病。故本草主內傷補不足，續筋骨，調血脉，活關節，止腰痛。治金瘡，益子宮，安胎孕，又治崩中，淋血，腸風下血，痔瘻，留血，折傷瘀血諸疾。大抵所斷之血脉，非此不續。所傷之筋骨，非此不養。所滯之關節，非此不利。所損之胎孕。

非此不安。多服常服能益氣力。有補傷生血之效。補而不滯。行而不洩。故女科外科取用恒多也。

盧子由先生曰：斷者續之。因名續斷。故枝莖根葉。宛如經脉骨節者。也是主續筋骨。連肉理。貫經脈。利乳難散。乳癰續之。功用大矣哉。

李時珍先生曰：一人病血痢。一醫用平胃散。一兩入川續斷末三錢。每服二錢。水煎服。王子會稽時行痢疾。疏方示人。往往有驗。嬰兒病痢。服之更効。

○集方治胎產一切諸病。用四物湯加續斷。○如欲止血。補不足。療崩中。當以白膠。阿膠。麥門冬。杜仲。五味子。山茱萸。人參。枸杞子。黃耆。同用。○欲行血理傷。則與牛膝。

生肉桂玄胡索紅花同用。○欲安胎則與白术杜仲黃芩
生地砂仁殼廣陳皮同用。○治跌撲折傷用川續斷當
歸各一兩自然銅五錢火煅酒淬土鼈蟲三十隻火烘
爲末俱研細紅麴打糊丸如黍米大每早午晚各服五
分溫酒送下。○治乳癰初起可消久患可愈用川續斷
八兩酒浸炒蒲公英四兩日乾炒俱爲末每早晚各服
三錢白湯調下。○治乳汁不行用川續斷五錢當歸川
芎各一錢五分麻黃穿山甲火煅各二錢天花粉三錢
水二大碗煎八分食後服。○治妊娠胎動欲墮用川續
斷四兩川杜仲三兩俱酒浸炒共爲末聚肉丸梧子大。
每早晚各服三錢當歸一錢煎湯下。

漏盧味苦鹹氣寒無毒入足太陽陽明少陽手太陰陽明經

蘇氏曰漏盧出沐東州郡及秦海州皆有之舊說莖葉似白蒿花色黃白莖若筋大結子作房類油麻而小根生如蔓菁而細山西單州出者爲勝八月采莖陰乾黑于衆草南方常用莖苗北方常用根沈存中云今方家所用漏盧乃飛廉也苗似苦荬根如牛蒡綿頭者是也采時用根今閩中所謂漏盧莖如油麻高四五尺秋深枯黑如漆采時用苗乃真漏盧也又按諸郡所云惟單州者差相類沂州者花葉頭似牡丹秦州者花似單葉菊花紫色五七枝同一條湖州者花紫碧色如單葉蓮花花萼下及根旁有白葦裹之根如蔓菁而細又類葱黑色三州所生花雖別而葉頭相類但秦海州又葉作鷄齒狀一物而殊類如此又本草飛廉一名漏盧與苦荬相類其根生則皮黑白乾卽黑如玄參六七月采花陰乾用所說與秦州湖州所圖漏盧花葉及根頗相近然被人但名漏盧不曰飛廉也

○漏盧去風熱解瘡癥寒而通利之藥也苦鹹屬陰性惟

涼散故本草生皮膚癰癧隱癥風毒惡瘡及乳癰發者
痔瘻腸風諸證能理血排膿引經肺利筋骨行藏府而
古方以漏盧湯爲癰瘻科初起洩毒之首劑也又宋人
治癰疽并預解時行熱毒痘疹今但知其寒能解熱之
義益不知其能入陽明之故也設患人胃寒不食并泄
瀉者瘡瘍陰證平塌不起發者有妊娠者俱禁用之

○集方治皮膚癰瘻外傷風毒隱癥風毒瘡疥用漏盧荊芥白癬皮
浮萍牛膝當歸斬蛇枸杞子各一兩甘草六錢苦參二
兩浸酒蒸飲○治癰疽外傷一切腫毒初起及時行熱
毒赤腫丹痧用漏盧連翹白欽枳殼升麻甘草麻黃朴
硝各一兩大黃八錢共爲末每服三錢自湯調服取利

爲度。發背初起二三日，但有裏實，熟認便宜服此退毒下膿，乃是宣熱拔毒之劑。熟減卽住服。○治癰疽排膿長肉生肌，用漏盧、人參各五錢，黃耆二兩。○治時行痘疹預防染患，用漏盧五錢，荳豆白芍藥各二錢，甘草三錢，俱微炒黃研末，每服一二錢，白湯調服。○治乳汁不下，用漏盧一兩，同猪蹄，狗蹄煮汁飲立通。○治乳癰紅腫，初起立消用漏盧一兩，甘草五錢，水煎服。○治肥實婦人乳汁不下，乃氣脉壅塞也，或經絡凝滯，乳內脹痛，邪蓄成癰，服之自然內消，用漏盧五錢，蛇蛻一條，炙焦共爲末，瓜蔞一箇，和皮搗極爛，總和一處，先取一半，熟酒調服，以利爲度。○治癰疽排膿，止痛生肌，用漏盧連

翹紫花地丁。涼母。金銀花。甘草。夏枯草。各等分。米煎服。
④治癩節風痛。筋脉拘攣。痛如虎咬。身難展動。用漏盧
五錢。地龍一錢。去皮炒。共爲末。生薑五錢。取汁。生蜜三
錢。木立碗。共煎滾。取漏盧。地龍末。各一錢。調服。⑤治小
兒無事疳病。肚脹或時泄利。冷熱不調。以漏盧。甘菊炒
爲末。每用一錢。以猪肝一兩。入鹽少許。同煮熟。空心頓
食之。

苧根味甘氣寒無毒。

蘇氏曰。苧麻生閩廣江浙間。宿根不死。至春再發。秆
數十莖。亦可分栽。高七八尺。葉如楮。無叉。而青背白有
短茸毛。夏秋間着細穗青花。其根黃白而輕虛。八九月
采剥其皮。可以績布。諸處歲再刈。推擗易問。歲可三刈。
取皮以竹刮其表。則厚處自脫。○李氏曰。苧麻家苧也。
又有山苧。野苧也。又有紫苧葉而紫白苧葉而青。其背
皆白。刮洗煮食可收荒味。甘美。其子茶褐色。九月收之。
二月可種。宿根亦自生。

○苧根涼血解毒之藥也。別錄專主小兒赤遊丹毒。大人
癰疽背發。及一切無名毒腫。搗敷卽解。又天行熱病。大
渴發狂。或婦人胎藏蘊熱。漏胎下血。或氣血砂石。等
種淋證。或服金石熟藥。性發煩悶等患。用此煎嘗。諸病
立効。皆以其性寒涼血。解熱化毒故也。如病人胃弱泄
瀉者勿服。諸病不由血熱者。亦不宜用。其葉與皮筋主治醫同。

朱彥修先生曰。苧根大能養陰而活瘀血。方藥或惡其
賤。似未曾用也。古方以苧麻產婦枕之。立定血暉。安腹
上。立止腹痛。况服食乎。

盧不遠先生曰。苧質直而縷如經絡。故易長則氣勝。
理順則血流。治胎捷于益母。世人未之識也。

李時珍先生曰。苧麻葉極散血。五月五日收取和石灰
搗作團。晒乾收貯。遇有金瘡跌傷。撲傷。研末敷之。即時
血止。且易癒也。又方凡諸損傷。肉破血瘀不散者。五六
月收野苧麻葉。真紫蘇葉二味。搗爛敷上傷處。如有瘀
血在腹內不散者。以二葉搗汁。和酒服卽通。血皆化水
也。

○集方治五色丹毒。苧根煮汁。日浴三次。或濃煎汁少許飲之亦良。

梅氏方

○治癰疽腫毒。

大氏方初起未成者。用苧根熟搗敷

上。日夜數換。

梅氏方

○治天行熱病。大渴狂妄。用苧根濃煎飲

之。

王氏方

○治妊娠胎動不安。或漏血不止。或下黃水如膠。或

如小豆汁。腹中痛者。用苧根去黑皮切碎。十兩水煎稠。

徐徐飲。

王氏方

○治五種淋證。莖中澁痛。或白淫白濁。用苧根

搗爛。煎水飲立効。

王氏方

○治小便不通。用苧根搗爛。攏布上。

貼少腹。連陰際須臾即通。

王氏方

○治小便淋血。用苧根煎湯。

頻服大妙。并治諸淋。

王氏方

○治肛脫。不收用苧根搗爛。煎湯

薰洗。

王氏方

○治跌撲打傷。或從高失脚下墮。內傷瘀血者。用

苧根或苧麻燒灰。五錢或一兩。熱湯或熱酒調服。瘀血

立散。○治夏月驟然水瀉。日夜不正。欲死不拘男婦。用

五月五日采苧麻葉陰乾爲末。每服二錢。冷水調下。勿

喫熱物。令人悶倒。小兒用五分。○治痢白凍。方同上。

治蛇虺咬傷。用苧麻嫩頭搗汁二三盞。和酒一半服以

渣敷咬處。毒從竅中出。看傷處有竅是雄蛇。無竅是雌

蛇。以針挑破傷竅處。再敷紫金錠末。○治臨杖預服藥。

用苧麻皮燒灰存性。乳香沒藥各五錢。胎髮圓一枚。微

炒焦。黑犬對前脚上邊頂骨一副。火炙酒淬酥。五味俱

研細末。煉蜜丸如彈子大。每丸重四錢。酒化下。杖後煎

劑。用苧麻皮二兩。大黃、桃仁、延胡索、肉桂、牡丹皮、紅花

紅蔻各二錢。牛膝五錢。降香末二錢。甘草一錢。水酒名。

一大碗煎八分服。

大青味苦氣大寒無毒

陶隱居曰。出東境邊道及江東州郡。今荆南買列。濠州所在亦有之。春生青紫葉似石竹。高二三尺。對節作葉。長三四寸。面青背淡。七八月開花如蓼色紅紫亦如光花狀結實青碧。大若椒粒。霜降則紅三四月采葉陰

乾用。

○大青解時行熱毒之藥也。別錄主溫疫寒熱時行大熱。熱毒頭痛。狂悶煩渴。喉痺口瘡。風癱丹毒。熱毒血痢。單熱瘧疾。熱極瘡黃諸病。此皆胃家實熱之證。此藥乃對病之良方也。但其性味苦寒。止用以祛除天行熱病而不可施之于虛寒脾弱之人。善用者毋忽忽也。

蘇氏曰。古方治傷寒內熱黃汗黃疸。有大青湯。傷寒頭身強腰脊痛。有葛根湯。亦加大青。大抵時行熱疾尤多

用之。

李時珍先生曰。大青氣寒味苦。善解心胃熱毒。不特治傷寒也。活人書治傷寒發赤斑煩熱而痛。有犀角大青湯。大青四物湯。故象先指掌賦云。陽毒則狂斑煩亂。以大青升麻可回困篤。

○集方治溫疫寒熱用大青柴胡黃芩生半夏桔梗各

錢葱頭二箇水煎服。○治時行大熱熱毒頭痛狂惱煩

渴用大青一兩石膏五錢知母三錢甘草一錢牛蒡子

一錢水煎服。○治喉瘡用大青葉搗汁灌之取効

止。○治大人小兒口內生瘡用大青一兩黃柏五錢黃

連三錢水六錢煎三合服之。○治風癰丹毒用大青

搗爛。署之卽散。先以磁錐破去惡血。○治熱毒血痢困篤用大青

曝乾四兩。甘草一兩。真赤石脂三兩。阿膠二兩。水三升。

煎一升。徐徐服。○治熱盛時瘧。正病同前。單熱不寒者用大青歟

葉搗汁和生白酒沖飲。○治熱甚痘黃用大青二兩。茵

陳秦艽各一兩。天花粉八錢。水煎服。○治熱盛發斑。附人舌。赤

色心煩作痛用大青四物湯以大青一兩。阿膠。甘草各

二錢。淡豉二合分作三服。每用水二盞煎八分服。又犀

角大青湯用大青七錢。真犀角二錢。山梔子十箇。淡豉

二撮。分作二服。每用水二盞煎八分溫和服。

小青味苦氣寒無毒。

蘇氏曰小青生與大青異種。惟產福州三月開花。

○小青解毒殺疳清熱之藥也。治疳熱退。小兒疹後骨蒸止血痢。療男婦酒積腸紅陰寒清利之品。然過服亦可
脾氣。

○集方治小兒痘瘡後羸瘦骨蒸用小青草銀柴胡各一兩。白朮地骨皮甘草。胡黃連青蒿各五錢爲末。每服一錢早晚白湯調送。○治酒毒血痢腸紅諸證用小青草秦艽各三錢陳皮甘草各一錢水煎服。○治癰疽瘍瘻用小青草搗爛敷上即消。

胡蘆巴。味苦。氣熱無毒。爲足少陰與命門之藥也。

劉氏曰。胡蘆巴。生海南諸番。今廣州。齡州亦有。不及舶上者佳。春生苗。夏結子。秋采莢。淘淨酒浸晒乾用。或云是番中蘿蔔。

正木審的否。

○胡蘆巴。壯元陽。補腎命之藥也。能飲互水火兩腎之元陽。故主元藏虛冷。命門火衰。不能生土。以致脾胃洞泄不禁。精冷自遺。又治寒疝冲心及奔豚瘕癥。寒濕脚氣。諸陰冷證。無不奏功。因其益命門之力。所謂益火之原。以消陰翳是也。若腎藏有鬱火內熱者。還宜斟酌。

薛立齋先生曰。一人病目不覩物。一醫教服胡蘆巴。頻頗不缺。不十月而目中微痛如蟲行。由大皆漸明而愈。又一人病寒疝。陰囊腫痛。服五苓。諸藥不効。與胡蘆巴

數服而平

沈拜可先生曰。今醫家治元藏虛冷。谷氣潛伏。陽氣不能歸原者。以胡蘆巴爲要藥。與人參耆术。歸地桂附。補骨脂大茴香等輩。大有回天再造之功。老弱虛羸之人。宜日用之。

○集方。治脾腎虛寒。洞泄不止。用胡蘆巴四兩。補骨脂三兩。白朮二兩。人參一兩。俱炒黃爲末。飴糖爲丸。每服三錢。湯酒任下。○治腎虛精冷。自遺。用胡蘆巴四兩。枸杞子三兩。配入六味地黃丸。每早服五錢。淡鹽湯下。○治寒疝沖心。及奔豚瘕癰。腹中挺痛。用胡蘆巴吳茱萸。川椒。草薢。蒼朮各二兩。炒爲末。每服三錢。早晨白湯調下。

○治偏墜腫痛或小腹疝氣下元虛冷者用胡蘆巴。小茴香俱酒浸炒各二兩沉香木香各五錢爲末紅麪和酒打糊丸每服二錢白湯下。○治寒濕腳氣腿膝疼痛。

行步無力用胡蘆巴酒浸一宿焙補骨脂炒香各四兩爲末以木瓜一箇切頂去穰放藥在內令滿用項蓋住

簾定蒸爛搗丸如梧子大每空心用百丸溫酒下。○治

五指頭 腸氣痛用胡蘆巴炒研末每服二錢茴香湯下。○治
腎 腎藏虛冷腹脹脹滿用胡蘆巴炒二兩熟附子硫黃各

七錢爲末酒和紅麪爲丸梧桐子大每早服百丸白湯下。○治冷氣瘕瘕用胡蘆巴酒浸晒乾蕃麥炒各四兩小茴香二兩共研爲末紅麪糊爲丸梧子大每早服百

餘火空心鹽酒送下。服至兩月。大便出自膿則除根。

惡實。卽牛蒡子。味辛苦。氣寒。無毒。陽中之陰。可升可降。入手太陰足陽明經。

李時珍先生曰：惡實，其狀惡而多刺鉤，故名。其根葉皆有之。三月生苗，高三四尺。葉如芋而長，四月開花，作淡紫色，實如楓種而小。蔓上細刺百十根，簇其頭。作子數十粒，色黑褐色，秋後采取，可供人衣也。

○惡實散風解熱透疹毒之藥也。味苦性潤，苦能泄熱，潤能散結。別錄方主明目除風，藏器方主風毒斑熱。元素方主潤肺止咳，散結氣利咽喉。開毛竅去皮膚風，通行十二經。甄氏方定煩熱去傷寒鬱熱不解。錢氏方治班疹時毒等證。總是拔引鬱毒，凡風火痰氣內結，不能透達者，此藥宣利發揚，故今人用以發隱疹痘瘡，開咽喉。

諸疾尤獲奇驗。但性冷而滑。用于痘瘡家。惟宜血熱便閉之證。若氣虛色白。大便滻利者。慎勿輕投。又瘡疹不忌泄瀉。故始終用之無虞。

盧不遠先生曰。此以承制之品。宣助肝木。則凡病從風生。或因風寒薄鬱。乃成瘻者。取之捷如影響。設形層之外。與上部者。功力尤勝。

○集方治頭痛。連睛并目昏澁。不明。用牛旁子。蒼耳子。甘菊花。各三錢。水煎服。○治風腫斑毒。作痒。用牛旁子。玄參。殼蠶。薄荷。各五錢。爲末。每服三錢。白湯調服。○治風火內閉。瘀鬱作焮。用牛旁子。桔梗。前胡。薄荷。防風。桑皮。杏仁。各二錢。甘草。五分。水煎服。○治咽喉腫閉。不利。用

牛旁子三錢。桔梗一錢。甘草七分。荆芥五錢。水煎服。○治傷寒邪鬱不解。延引多日。用牛旁子二錢。紫胡防風黑梔子連翹各一錢。葱頭二莖。水煎服。○治斑疹時毒及痄腮腫痛。用牛旁子。柴胡。連翹。川貝母。荆芥。各二錢。水煎服。○治痘瘡不起發。用牛旁子。桔梗。甘草。蟬蛻。僵蠶。黃芩。玄參。羌活。各等分。水煎服。○單治瘡疹不起透。用牛旁子研細。五錢。檉柳煎湯。調下立透。○治天行痘瘡。血熱乾枯不出者。用牛旁子三錢。犀角三分。紫草。生地黃。各二錢。水煎服有神。○治麻節風痛。攻走手足。甚則肩背臂膝。攻鑿疼痛。用牛旁子五兩爲末。每用三錢。白湯調下。○治暴中風。用牛旁子根。取時避風。以竹刀刮去。

土搗爛絞汁一升。和煉蜜四合。溫分二服。得汗出便瘥。
○治熱毒風氣內攻。頭面忽腫。或連手足赤腫。瀉摸卽
痛者。用牛蒡子根洗淨研爛成膏。絹攏貼腫處。再以白
湯調服三錢。卽腫消痛減。

泉耳實

詩人謂之卷耳爾雅謂

之

謂之

泉耳

味甘微苦氣溫有小毒

陶隱居曰。泉耳生安陸川谷及田野間。今所在有之。與麥互相爲候。古人謂麥黃種泉黃種麥是也。細莖蔓

生高

二三尺。有黑斑點葉如葵。七八月開細白花。結實

如婦人

珥。外殼堅韌多刺。中有兩仁。宛如人腎。修治

炒黃去外皮刺取仁用其莖葉可煮

爲茹滑而無味。鹽

醣作食尤佳。又嫩苗水洗淨燒熟食可

以鈍其實炒磨去皮殼其肉可作餅食。又可熬油作燈。郭氏云。今一

種叢生如盤

高三四尺不作蔓生其苗莖花實與蔓生

者亦

○泉耳實通顛頂祛風濕之藥也。主風寒

風濕三氣爲病。

或頸項牽掣四肢拘急一切關節屈伸不利之證故前

人有久服益氣脉補虛弱之功上而散頭腦諸風凡風寒頭痛鼻塞腦漏或血風眩暈痰火懸旋或目痛目腫目障目昏或耳癢耳疼耳濕耳聾諸疾下而利腰膝之

濕凡癩癰不用麻木不仁或疹疥或血痔或黃水膿濕諸瘡或脚氣疝腫諸疾咸宜用之但甘能和血若能燥濕溫能通暢故上中下一身風濕衆病不可缺也。

○集方治疫病不樂五月五日午時多采蒼耳莖葉子各等分陰乾臨時冷水調服三錢或水煎舉家皆服能辟惡。

○治赤白下痢草方用蒼耳不拘多少洗淨用水煮爛去

渣入蜜用武火熬成膏每服一二錢白湯下○治諸風

眩暉或頭腦攻痛用蒼耳仁三兩天麻白菊花各三錢

○治頸項牽痛用蒼耳仁二兩當歸淨身白芍藥懷熟

地各三錢○治四肢拘急用蒼耳仁五兩枸杞子五加

皮各五錢○治鼻塞不利香臭不聞用蒼耳仁一兩辛

夷石菖蒲各一錢

如患楊梅結毒不在此例。

○治腦漏鼻渊穢汁下

流用蒼耳仁三兩白术

石首魚腦骨滋泥封裹火煅各

二錢○治赤目生瘡用蒼耳實二兩乳香五分每用一

錢燒烟噙鼻○治目病經年昏障腫痛用蒼耳仁二兩

草决明兎絲子各二錢○治耳病痛癢濕爛或腫或聾

用蒼耳仁二兩香白芷二錢○治腰膝痠疼腿足麻痺

用蒼耳仁四兩牛膝虎骨肉桂白术當歸草薢各八錢

○治疥癬瘡癰用蒼耳仁二兩白蘚皮懷生地防風枸

杞子各五錢○治血痔痛脹下墜用蒼耳仁三兩地榆

升麻牡丹皮黃柏各一兩○治脚氣腫痛重墜難履用

蒼耳仁二兩木瓜五加皮葳靈仙白术牛膝各四錢○

治瘡氣攻痛。止發不常用。蒼耳仁一兩。胡蘆巴。川練子。
青皮。橘核。枸杞子各一兩。○治一切疔腫危困者。用蒼
耳根葉搗和童便絞汁。冷服一升。拔根甚驗。○治反花
惡瘡。有肉如飯粒。破之血出。用蒼耳葉搗汁。服三合。日
三服。并用渣塗之。○治卒得惡瘡。用蒼耳仁研末敷之。
○治毒攻手足腫痛欲斷。用蒼耳子搗汁潰之。再以渣
敷之。立效。○以上諸方或丸或散。隨病酌用。

本草綱目方云。治一切癰疽發背。無頭惡瘡。疔瘡腫毒。
一切風瘡。癰瘡。杖瘡。牙疼。喉痺。五月五日。取蒼耳根葉。
數箇洗淨晒萎。細剉。以大鍋五口。入水煮爛。以篩濾去
粗渣。布絹再濾。復入淨鍋。武火煎滾。文火熬稠。攪成膏。

以新礮封貯。每以敷貼卽愈。牙疼卽敷牙上。喉癰卽敷舌上。或噙化二三匙卽効。癰疽惡毒。每日取酒服一匙。極効。

蠶實卽馬齒莧子味甘氣寒平無毒。

別錄曰蠶實生河東山谷今陝西諸郡及鼎潤州亦有之蘇氏曰近津尤多葉似薤而長尾三月開紫碧花五月結實作蕘子如麻大而赤色有稜隱乾用根細長黃色而通人取以爲薦接救荒本草言其嫩苗味苦燥熟
荷木浸并苦味油醃
調和食之可代蔬

○蠶實活血氣去風寒濕痺之藥也。蘇氏曰此藥比寒平潤止吐血鼻衄血熱妄溢消一切瘡癰癰腫癰湯飲或炒黃酒吞一二合良驗。又莖葉搗汁治喉瘻腫瘍。

卷之三

垂死又治大便不通及小便祕石淋濁諸證外臺秘要
往冊之屢奏奇效

豨荳草味苦氣溫有小毒入手足少陽經。

俞氏曰。韻書。楚人呼豬爲豨。呼草之氣味辛惡者爲荳。此草氣臭如猪而味腥惡如薛。故謂之豨荳。多生沃壤。所在有之。春盡生苗。節葉相對。高三尺許。葉似蕘耳。而微長。又似地松。而稍薄。全株銀線素莖紫葉。莖葉皆有細毛。肥壤一株分枝數十八九。月開小花。深黃色。結實如嵩子。外萼有細刺。粘人衣。采時以五月五日、六月六日、七月七日、九月九日刈剪去地三十以水澆泥土。摘葉及枝頭用酒潤以九蒸九曝爲良。蒸畢經久。燉潤無毒。荳氣自消。香美可食。非若生時腥不可惡也。

○豨荳草祛風濕活滯血之藥也。故祛風藥每推首用。

春秋元始

唐本草療中風口眼歪斜。四肢麻木。筋骨拘攣。或濕痺腰脚。痠疼。及腸風藏血等證。此乃春升之藥。得少陽風木之令。風能勝濕。故上件諸病悉主之也。但性味走泄。疏散獨專。補養稍遜。凡患四肢麻痺。骨間疼痛。腰膝無力。

由于脾腎兩虛。陰血不足。不因風濕而得者。不宜服也。
沈則施先生曰。按方書言。成訥進豨苓丸方表云。有弟
訥。年三十二歲。中風。伏枕五年。百醫不瘥。有道人鍾某
者。因覩此患。令服豨苓草一味。取嫩枝葉。九十觔。酒浸
九日。上甑蒸一次。晒一次。計蒸晒各九次。或晒。或焙乾。
搗爲末。煉蜜丸。如梧桐子大。空心用溫酒或米湯下。百
餘丸。至四千丸。所患愈加。勿得疑慮。是藥攻之。故服至
八千丸。必得復舊。服至萬丸。當復強壯。依法修製。令訥
服之。果如其言。鍾某又言。此藥與本草所述功效相異。
勿當服後。須喫飯六七匙壓之。又益州張氏豨苓丸方。
云喫至百服。眼目清明。積至千服。鬚髮烏黑筋力輕健。

効驗奇異。一人中風，陰馬失音不語，與十服，其病立痊。
又一老僧，年七十，忽患偏風，口眼喎邪，時時吐涎，與十
服亦便得癒，誠仙方也。

○集方治中風。正言口眼喎斜，手足不隨，語言蹇澁，口角流涎，
筋骨痺強，腰脚無力等證。用豨莶酒浸蒸晒九次，取三
觔，配斬蛇二條，人參黃耆，拘杞子，川草薢，於白朮，當歸
身各八兩，蒼耳子，川芎，歲靈仙，半夏麯各四兩，以上諸
藥俱用酒拌炒，沉香二兩，不見火，共十三味，俱爲細末，
煉蜜丸，如梧桐子大，每早晚各服三錢，白湯送下。○治
瘍風。正言下血，用豨莶葉酒蒸爲末，煉蜜丸，每服三錢，白湯
送下。○治發背。正言疔瘡一切癰疽腫毒，用新鮮豨莶葉一二

兩小劑。大蒜各一瓣，搗爛入熱酒半碗，絞汁服得汗立解。

李少林先生曰：古方云豨莶能宣能補，故風家珍之本草相傳功用甚奇。然近世服之，經年罕效。意者製法未盡善歟？風氣有分別，歟藥產非道地，歟亦以見執方者之失也。愚按此藥長于理風濕，畢竟是祛邪之品，恃之爲補，吾未敢信也。

麻黃味苦辛氣溫無毒氣味俱薄輕清而浮陽也升也手

太陰之藥入足太陽兼走手少陰陽明經。

陶隱居曰麻黃生晉地及河東今鄭州鹿臺及關中沙苑河旁沙州最多其青州徐州者不佳蜀中出者亦不堪用惟彭城茱陽中年者爲勝所在之處冬不積雪夏五月則長及一尺纖細勁直外黃內赤中空作節如竹四月稍頭開黃色花六月結實如百合瓣而緊小又似皂莢子而味甜微有麻氣外皮色紅裏仁色黑色根紫赤俗說有雌雄二種雌者開花結子雄者無花無子至立秋後收蘿陰乾修治折去節根水煮十餘沸以竹片掠去上沫用恐令人煩

節按又能止汗

波也

○麻黃主傷寒有大發散之功專入太陽之經散而不止能大發汗非若紫蘇前葛之輕揚不過能散表而已也所以東垣云淨肌表泄衛中之實邪達玄府去營中之寒鬱凡六淫有餘之邪客于陽分皮毛之間腠理閉拒

營衛不通其病爲實。麻黃其形中空。輕清成象。入足太陽寒水之經。以泄皮毛氣分。直徹營分之寒邪。無麻黃寒邪不能盡出也。故本經主中風傷寒頭痛溫瘧。及亥逆上氣諸病。悉屬太陽衛實之邪。用此藥爲解表第一。惟而廣之。若瘡疹之隱見不明。惡瘡之內陷不透。哮喘之壅閉不通。產乳之阻滯不行等證。悉用麻黃。累累奏効。但此藥稟陽剛清烈之氣。味大辛。性大熱。體輕善散。故專治風寒之邪在表。爲入肺之要藥。而發表最速。若發熱不因寒邪所鬱。而標陽自盛之證。或溫瘧不因寒濕瘴氣。而風暑虛熱之證。或虛人傷風。虛人發喘。陰虛火炎。血虛頭痛。以致眩暈。中風癱瘓。或肺虛發熱多痰。

欬嗽。以致鼻塞瘡痘。及平素陽虛腠理不密之人。悉皆禁用。慎用則汗多亡陽。損人元氣。戒之慎之。

李時珍先生曰。仲景治傷寒無汗。用麻黃有汗。用桂枝。王海藏謂麻黃治衛實。桂枝治衛虛。二物雖爲太陽經藥。其實營衛藥也。心主營爲血。肺主衛爲氣。故麻黃爲手太陰肺之劑。桂枝爲手少陰心之劑。似亦得其槩矣。而未豁然。夫津液爲汗。汗卽血也。在營則爲血。在衛則爲汗。夫寒傷營。營血內滯。不能外通于衛。衛氣閉固。津液不行。故無汗發熱而憎寒。夫風傷衛。衛氣外泄。不能內護于營。督氣虛弱。津液不固。故有汗發熱而惡風。然風寒之邪。皆由皮毛而入。皮毛者。肺之合也。肺主衛氣。

包羅一身。是證雖屬乎太陽。而肺實受邪氣。其證時兼面赤。怫鬱。欬嗽有痰。喘而胸滿。諸證非肺病乎。蓋皮毛外閉。則邪熱內攻。而肺氣膶鬱。故用麻黃。甘草。同桂枝引出營分之邪。達之肌表。佐以杏仁。泄肺而利氣。又汗後無大熱而喘者。加以石膏。活人書。夏至後。加石膏知母。皆是泄肺火之藥。是則麻黃湯。雖太陽發表重劑。又爲發散肺經火鬱之藥也。如腠理不密。則津液外泄。而肺氣自虛。虛則補其母。故用桂枝。同甘草。外散風邪。以散表。內伐肝木以防脾。佐以芍藥。疏木而固脾。泄東所。以補西也。使以薑棗。行脾之津液而和營衛也。下後微喘者。加厚朴。杏仁。以利肺氣也。汗後脉沉遲者。加人參。

以益肺氣也。朱肱方加黃芩爲陽旦湯。以瀉肺熱也。皆是脾肺之藥。是則桂枝雖太陽解肌輕劑。實爲理脾救肺之藥也。此千古未發之秘旨。愚特表而出之。又少陰病發熱脉沉。有麻黃附子細辛湯。麻黃附子甘草湯。然少陰與太陽爲表裏也。卽前人所謂熟附配麻黃。補中有發之意云。又仲景治傷寒六七日大下後。脉沉遲。手足厥逆。咽喉不利。唾膿血。泄利不止者。用麻黃湯平其肝肺。兼升發之。卽斯理也。神而明之。存乎人矣。

○集方。仲景治傷寒。有麻黃湯。有大小青龍湯。○治少陰病發熱脉沉。有麻黃附子細辛湯及麻黃附子甘草湯。○治肺病上氣。有射干麻黃湯。厚朴麻黃湯。○治寒邪

鬱子肺經。以致喘滿欬嗽。用麻黃。石膏。杏仁。桑皮。甘草。
○治時行溫瘡。寒多拘急者。用麻黃。杏仁。桂枝。柴胡。生
薑。
○治風痺冷痛。用麻黃。桂枝。甘草。
○治冬月痘瘡爲
寒風所鬱。以致倒嚼喘悶。用麻黃。桂枝。俱蜜水炒。杏仁。
紫蘇葉。葱頭。一服立解。
○治冬夏冷哮痰喘。用麻黃。半
夏。蘇子。皂角。白芥子。配二陳湯。立驗。
○治痘瘡斑疹不起。透用麻黃。荆芥。牛蒡子。桂枝。前胡。甘草。
○治乳汁不行。用麻黃一兩。蜜水炒。天花粉。當歸身。各五錢。水煎服。
○治楊梅惡瘡。毒氣不起。瘡腳冷僵。不攻發者。用麻黃
一兩。蠅蠅殼。蠍肉桂。當歸。皂角刺。白芷。紅花。各五錢。半
湯煎服。

麻黃根節味甘氣平無毒。

陶隱居曰止一切虛汗爲末和面粉撲之。

李時珍先生曰麻黃發汗之氣速不能禦而根節止汗捷如影響物理之妙不可測度如此凡自汗有傷風風濕風溫氣虛血虛陽虛陰虛并亡陽中暑柔痉胃熱痰飲諸證皆可隨證加而用之如當歸大黃湯加麻黃根治益汗黃耆六一湯加麻黃根治自汗益其性能行周身肌表故能引諸藥外至衛分而固腠理也陶氏但知撲之之法而不知服餌之功更妙也。

○治感冒寒。冷風邪。鼻塞聲重。語言不出。咳嗽多痰。胸滿喘急。用麻黃根節。杏仁不去皮尖搗碎。甘草生用。各二錢。石剉一劑。生薑三片。葱頭二個。水煎服。加荆芥。桔梗。名五拗湯。

水荭草。味鹹苦氣寒無毒。

附隱居曰。水荭草生下濕地極似馬蓼而甚長大。詩稱
蕪有游龍者是也。似蓼而葉大高丈餘其莖粗如拇指
有毛。其葉有大如商陸葉者色淺紅成穗秋深子成可
采。譬如酸棗仁而小其色赤黑而肉白不甚辛煑可食。
之。

○水荭草子消血積化癆散癰之藥也。其味鹹苦而寒性
善消磨能入血分逐留滯去痺氣清血障明目疾如血
分中無所留滯脾虛胃寒者禁用。

○集方治癩瘻用水荭花子不拘多少一半微炒一半生
用同研末食後好酒調服二錢日三服破者亦治久則
效。效則止。○治痞癥腹脹及堅硬如盃盈者用水荭花
子一升另研獨顆蒜十五箇去皮狗腦一箇皮硝四兩

右白搗爛攤在患處。用油紙蓋定。長帛束之。酉時貼次日辰時取去。未妙再貼。三貼。倘有膿潰。以滑石研細末。繆之。自乾癥服。漸消除矣。○治胃脘血氣作痛。以水荭花一大撮。水二鍾。煎一鍾服。○治心氣病。痛。用水荭花爲末。白湯調服。二錢。又法。男病。用酒水各半。煎服。女用醋水各半。煎服。

木賊味甘苦氣平無毒中空而輕陽中之陰升也浮也入手足三陽經

劉氏禹錫曰木賊出秦隴華成諸郡所在近水地亦有之苗長尺許叢生直上一根只一幹無花葉狀似鳴虧苗及棕色草子節中空又似麻黃莖而稍粗經冬不凋四月采之莖幹糙澀治木骨器以此磋擦則光澤而猶云木之狀也

木賊草治目疾退翳膜治腹疾消積塊之藥也目爲肝之用也風熱勝則翳膜生此草性體輕揚中空直幹能上達肝竅以祛目疾之風淫火勝爲翳爲障爲努肉爲疳濕諸疾嘉祐本草又謂治隱癖積塊喉痺瘍瘍瘻瘍卽去翳障努淚之意又謂去節能解癰發汗功過麻黃亦卽取其輕空陽象之用而有升散之力也然多服損肝

不宜久用。如前古謂益財膽。止婦人月水不斷崩中赤白。此說似屬奇謬。不可信從。

○集方治目障昏蒙多淚。用木賊去節一兩爲末。和羊肝搗爲丸。早晚各食後服二錢。白湯下。○治小兒疳積。肚大目盲。用木賊草三兩。燕夷一兩。共爲細末。羊肝搗和九婢子入海草燒。右眼一丸。口含化下。○治急喉閉塞。用木賊草三兩。共炒成粉。用白湯調服一錢。血出即止。○治風寒喘咳。發寒。用木賊半錢。去節一兩。生甘草一兩。同研細。加桂枝。治小兒氣虛。不食。多汗。不仁。本草。用木賊一錢。去節。同研細。加桂枝一錢。白湯調服。一

大黃三錢。益于鍋內炒黑爲末。每食前用米湯下三錢。甚効也。

青葙味苦微寒無毒入足厥陰肝經用藥。

寇氏曰：青葙出江淮州郡近道亦有之。生平谷道旁及田野下濕處。其花葉似雞冠。狀似莧。故謂之雞冠莧。二月插青色苗可食。漸長至三四尺。莖色青紅若蒿狀。葉潤似柳而軟。六七月生花。上紅下白。作實黑而扁大。于莧子而光。根似蕷若根而直下獨莖生根。近時指雞冠花子爲青葙。大誤矣。○李氏曰：青葙葉葉花實與雞冠花一樣無別。但雞冠花穗或有大而扁或圓者。此則稍間生花。穗尖長四五寸。狀如兔尾。水紅色。亦有黃白色者。子在穗中與雞冠子及莧子一樣。難辨。蘇氏言其結莢者非。

○青葙，清解風熱之藥也。青，東方木色也。葙是草似木。其花紅白相映，可悅人目也。上古主邪氣皮膚中熱，以致

風癱身癱生蟲剔錄治惡瘡疥痔及下部一切蠶瘻爲
厥陰風藥其子又治肝藏熱邪眼目赤障昏盲失明。上
李時珍先生曰青葙子經言治唇口青不言治目惟藥
性論有治肝明目之功今人多用治眼往往有驗竊意
目乃肝之竅唇口青乃足厥陰之證推而論之除熱明
目爲厥陰藥可知矣

心草味甘氣寒體輕無毒入手少陰太陰足太陽厥陰

經。

寇氏曰：知心草生江南澤地他處雖有野生，但不多耳。叢生圓勁與龍鬚草同類，龍鬚草莖小葉青，蓋心草莖粗，葉大而圓，爲別也。土人選長大者蒸熟，待冷，剉取白絲，爲繩，煩細者惟堪織，或用皮作袋，可爲雨具，亦治人藥。以生勞者良，或飲或膏，或末或圓，各隨方製。若研末用，亦用生勞白絲，以米粉調黃稀薄漿糊拌潤，一時晒乾，研末，水澄去漿粉，取浮起者晒乾收用。拌乳。

音家易于細而不獨拌水片撒，分兩不耗。

知心草通陰竅利小水之藥也。故開寶單治癰，開五淋諸疾。其味甘，其性寒，其體輕，乃清肅之品，善能通利小腸，熱氣不行，從小便出，然小腸爲心之府，故亦能除心經熱也。又張氏方謂能消水腫，散喉痺，定驚悸，止小兒夜啼。療大人痰熱，皆取其輕涼清肅之性，以治熱鬱爲

諸病悉主用焉。但性專通利。凡虛脫之病。不宜多用。
盧不遠先生。因外剛內柔。表青裏白。具乙木之氣稟燥
金之化。體浮用升。故善齊通竅穴。咸徧府藏。奇力之輕
劑通劑也。

皇甫雲洲先生曰。按小便之爲竅。水液濇于膀胱。而泄
于小腸。熱則不通。冷則不禁。理之常也。亦有虛而遺
瀝氣虛而不通者。不可不知。如熱而不通。牛膝。生地。前
瞿。麥。燈心草之類治之。冷則不禁。益智子。補骨脂。桑螵蛸。
戰之類治之。如虛熱遺瀝。生地黃。地骨皮。黃耆。麥門冬。
黃柏。知母之類治之。如氣虛不通。人參。白朮。黃耆。甘草。
肉桂之類治之。善治者。宜審證。按脉而用。又不可沾沾

以燈心一物也。

○集方治小水熱閉不通。用燈心草五錢煎湯頻飲之。

○治五淋癃閉。用燈心草一兩，麥門冬、甘草各五錢，濃

煎飲。○治水腫。用燈心草四兩水煎服。○治喉痺腫痛。

用燈心草燒灰和冰片一二釐研細吹入喉內。○治喉

風痺。用燈心草一握，陰陽瓦燒存性。又加炒鹽一匙。

每吹一捻，日數次，立愈。○治破傷出血。用燈心草嚼爛

敷之，立止。○治無故夜不合眼。用燈心草煎湯代茶飲

即得睡。○治濕熱黃疸。用燈草根四兩酒水各半，入瓶

煮半日，溫服。○治小兒夜啼驚悸。用燈心草煎湯飲之。

○續補方治下疳。肚梗。摻方。用燈心草一兩。燒灰。散攏十五個。連核燒灰共研。勻細末。摻上卽收。○治一切口中苔。甘辣鹹酸諸味爲病。以燈心草一握爲君。佐以五經清火藥治之。如口苦者。心熱加黃連。山梔。口甜者。肝熱加黃連。黃芩。口鹹者。肺熱加桑白皮。地骨皮。口鹹者。腎熱加黃柏。知母。口酸而苦者。肝膽有鬱火。加龍膽草。柴胡。青皮。配諸藥俱。生燈心草見證。加煎漱口。徐徐嚥下。